

博平縣志

道光辛卯仲夏鐫乙未季春續修

博平縣志

板存縣庫

原序

予視學秦中課士之暇有事秦志云間辱我

邑大夫堵公以新修志郵示徵序吾博爲彈丸邑方黃河華嶽終南太白周秦漢唐都邑宮室之制日在目中而覽博志不幾涉江漢而挹蹄沔登秦岱而俯培塿乎不知地有大小所以治之者無大小則所以志之者亦無大小一躔一次而天道存一卷一勺而地道脩一民一物之盛衰而人道見一政一事之得失而治道關苟以志爲修詞而已乎則大不足重誠以志爲致治攸繫

序

一

也則小不可畧而况循堤則禹跡可追臨河則孔轍可問登晉公子之臺而撫霸業尋唐義士之屯而識忠臣吾邑固足雄也故堵公不以調元贊化匡王定國之偉畧而小視博治亦卽不以衡巫雲夢瀟湘洞庭之大觀而小視博志雖完城郭濬河渠興辟雍遑遑日不暇給之時而集名士資賢紳因馮蘭室先生之舊本而補七十餘年之闕文吾知公之於治志治邑不作二觀也治邑如治志故一邑之形勢燎如指掌而無遁情治志如治邑故入志之是非臧否輕重緩急較若畫一而無曲

狗無傳疑治已期年奏最

天子徵入司農則志之百世昭垂訓志掌之外史固可必也已然吾更有說焉秦被山帶河古所稱沃野千里天府之國而今且凋敝難問盖幅員遼闊休復爲難若吾邑無高山大川之限東西南北僅五六十里譬如茅簷蔀屋之家父子兄弟作息相同疴癢易通第昔當齊衛趙魏之衝今爲漕渠陸地之逕故民淳而力竭吾願後之司牧是土者讀志而思所以捍衛之撫循之則暮年之治可常覩而修志之意爲不虛不若余之修秦志者

序

一一

爲廓落而無當也

康熙三年甲辰孟冬陝西督學道副使王功成書

原序

舊志纂於蘭室馮先生其論甚正其月旦至公筆法類龍門扶風史蓋博陵之狐遺書也獨怪夫志作於神宗辛卯去今七十餘年間縮墨綬來蒞茲邑者共二三十人曾未議及蓋以作述之難抑留心文教之鮮耶今漢陽堵公治博邑十事皆切中利弊民稱便其有不可者輒闕白兩臺行之如所爲革陋規均徭役墾石田舉鄉飲求利弊嚴逃人平市價核錢糧寬催科禁侈靡課士子除房稅修城垣同憂樂恤驛站精聽斷理冤抑犁犁

序

一

畢舉扶衰興敝百度維新此於吏治何如者邑瀕郡爲最邇余讀禮多暇聞其治甚詳豈其舍是他求乎於是乎書

康熙甲辰夏日太常寺少卿經筵侍講治弟任克溥頓首拜撰

重修博平縣志序

博平尹楊君星若前明大洪先生忠烈公嫡裔也以孝廉方正科出宰博陵政事修明民情愛戴盖賢有司也辛卯歲重修邑志成以博爲東郡屬因請序於余余惟君之治博也勤聽斷案旣無訟牘之留慎較民亦催科之擾勞撫字民隱而悉協其情勸懇荒蕪土田而廣興其利以及捐廉以資膏伙時披課士之又重賞以見安良之意禁侈靡以厚風俗舉而重引年皆以心行實政非徒託諸空言也

序

一

以是甫年而度政舉百度維新以視漢代之所謂良者有其過之無不及矣茲於案牘紛披之際當簿書期會之訪舊聞博徵文獻條分縷晰纂續成編凡官師臨賢庸士女懿行分野疆域一展卷而不然大備舉一百七十年之闕文悉歸紀載十餘人之節孝盡得表揚是可見樸實性成淵源有自其器宇爲甚宏而大異乎俗吏之所爲矣爰論其大要而爲之序

賜進士出身知東昌府事光州馮春暉撰

重修博平縣志序

志者誌一邑之疆域賦稅襍祥建置與夫文若獻也庚

寅春憲奉

命來守茲土披閱邑乘殘闕失次且多糢糊不可辨識盖以舊志修於康熙三年迄今一百六十餘載板之存者僅十之二三簡篇不備鑑戒弗昭有關於世道人心者非淺因心惻者久之第以甫經到任事務冗繁未遑議及迨今春公務稍暇訪求原本兼購府志廣爲蒐羅細心校讐舉夫名賢節孝文物典章凡從前舊有者莫不

序

一

重加編次其後來繼起者特爲斟酌續增閱三月而書始成雖不能燦然大備可以繼已往而著來茲庶可俾後之宰斯邑者一覽周知且爲人之生斯地者資以漸摩豈曰墨子彈丸不足見一道同風之盛哉若乃擅操筆削潤色文章則憲謝不敏矣敬俟後之君子

道光十一年歲次辛卯仲夏月邑令應山楊祖憲書

原跋

一事而有功無罪者其惟誌乎一事而功與罪俱者其爲誌乎何言之事有邪正則有是非有是非則功罪俱事有賞罰則有恩怨有恩怨則功罪俱而誌則否誌於人物拔其尤者於謠俗表其美者於文翰錄其醇者而於一切瑣屑細務弗堪揚挖之事則畧而不書誌不亦有功而無罪乎夫立乎百年以後慮其散軼憂其荒墜一旦集數人之長盡數日之能事而遂使 年內之人與物無美不彰無幽不顯繫惟諸君子之功然使闔邑

跋

一

之名公鉅卿端人吉士與風俗之貞良土壤之昭曠朗如列星皎如杲日而間有畸行異節苦志貞魂或年遠而湮沒不傳或力微而無以自振率滅沒於數傳之後散失於兵燹之餘如螢光石火倏忽泯滅不得與杲日列星亘古今而常明者實爲余拙吏罪嗟呼謂見功而不見罪者誌乎抑見功而亦見罪者誌乎且夫事之應有功而無罪卒不獲有功而無罪者獨一誌爲然乎則余又將何以告無罪於

君親乎

大清康熙三年歲在甲辰孟冬月大雪前一日

賜進士出身文林郎知博平縣事陞戶部浙江司主事堵
疑撰

跋



二

博平縣志序

古者分建萬邦牧養億兆凡公侯伯子男之國各立史官以紀行事土地之圖掌於大司徒及職方氏以辨地域廣輪及其人民財用穀畜之數以周知其利害其上下之志四方之傳道政事則有訓方氏道之誦之小行人又蒐輯爲書以上於天子故其時列國之事昭然若指諸掌用以採風布教因俗制宜甚盛治也秦有天下盡列國而郡縣之漢有地理及郡國志志地輿因革物產習尚然畧而弗詳今之郡縣猶古諸侯也今郡縣志

序一

一

猶古列國之史也志之與史異者史簡志詳史紀行事善惡志則以疆域山川爲主兼及於政治人物蓋取周官遺意而其例一本之司馬及班氏書第脩志者守土之職而守土者少久任率不一二歲輒遷去其久於是土者又卒卒於簿書期會間未暇理學士業而欲纂輯舊聞以裨治道難矣博平故聊攝地也廣袤數十里無名山大川之限然禹跡孔轍舊傳名踪又當

聖澤涵濡休養日久生齒亦日盛觀風問俗者咸資考鏡焉邑故有志脩於康熙三年迄今百數十載矣邑侯應

山楊君以制科高等出宰茲土政明化洽廢墜具舉懼
志久不脩一邑文獻日就蕪沒迺網羅散佚以續前書
志成屬予序之楊爲應山名族侯之先明贈太子太保
忠烈公在熹宗朝抗權璫死直諫名節留天壤余曩時
視學楚北訪其族姓憑弔其遺跡低徊不能去因知侯
家居素行久洽鄉評未幾相見京師又同官茲土耳熟
其循聲蒞博平甫經一載即能考古準今補舊志所未
備以爲達志通欲之本侯誠忠烈賢裔哉志列地圖及
山川田賦即大司徒及職方氏所掌也其載官師人物

序一

一一

土俗民風時政諸目卽訓方氏所誦道及小行人所上
書也侯以史才脩邑志文簡事賅當非他志所及而尤
致意於賦役之科則忠孝節義之幽懿其勤撫字厚風
俗又可知矣余羨侯仕學兼優爲博邑幸竊願爲宰者
蒐輯志乘以勤民事一如侯之用心土瘠則勿以催科
迫之土沃則必以禮制裁之民悍則繩之以法民樸則
澤之以文庶以副

聖天子建牧立宰惠養元元之至意其有造於斯民者豈

淺鮮哉

道光十一年夏六月既望

賜進士出身朝議大夫知山東濟南府事前掌河南道
監察御史翰林院編修廣西福建湖北主考官提督湖
北學政廬陵王贈芳

序一



三

舊志修輯姓氏

知縣事無錫 華汝梅 編次

吳堡知縣邑人 馮訓 撰輯

舊志修輯姓氏

知縣事漢陽 堵嶷 重纂

教諭 孔貞崑 較閱

進士在平 張翕 補修

沅陵知縣邑人 張至善 采集

貢士傅學元

博平縣志

卷一

一

傅允誠

劉呈瑞

劉滄

傅作霖 同修

生員岳支桂

李人豸

王位

謝夢卜

閻幾

李規中

王瑗

王璜 編輯

典史李猶龍 董梓

道光十一年重修縣志姓氏

知縣事應山 楊祖憲 重輯

教諭 王以忠 同修

訓導 山會清

典史 周淇

博平縣志

卷一

二

城守 朱永長

卽用知州烏竹芳 纂輯

戊子舉人李玉相

辛酉拔貢桑蔭青

丙子歲貢竇榮俎

貢生郭開基

馮懷寶

壬辰舉人高岐 補修

廩生王維城

廩貢烏荷芳

貢生李楓林 採訪

廩生張公木

袁於智

文生張雲路

岳清堂

袁繼昌 收掌

李豐年

張鵬翥

王棟

劉士奎

房秉仁

廩生楊廷桓 較閱

王華廷

蘇蘭亭

何九經

劉雲岫

文生傅其楠

從九鄭蘭芳 董梓

乙未科舉人劉鳳翹 修補

廩生任鵬展

傅鳳啣

李泰堦

博平縣志目錄

卷之一

星野辯 歲運譜 襪祥考 祀典紀 地輿考

卷之二

疆域圖 山川紀 勝景錄 古蹟考 田賦籍

村落紀 城宇圖 壇廟紀

卷之三

官師表 選舉表

卷之四

博平縣志

卷一

目錄

五

宦業傳 人物傳 孝義傳 節孝紀 貽恩考

卷之五

土俗紀 民風解 時政論 藝文錄

卷之六

藝文錄 動植錄

纂修凡例

一天文志三篇諸志皆散見於他類今取而合志於天文畏天命耳非無因而漫作也

一古蹟邱墓必備書之蓋思其人而不見見其所封表如見其人焉且示不忘於沒世耳

一田賦戶口關民生休戚雖無定體亦隨更變而備書之後又繼以時政考以著興革利病焉

一官師直書其歷履其賢者分註其下尤賢者則傳之其被誣者爲之辯不賢者亦不書存厚也

博平縣志

卷一

六

一名宦非離任久鄉賢非沒身後雖功德可據亦不書戒諛佞俟論定也

一風俗之厚薄關世道之治亂故不避忌諱而盡言之望有識者之亟返也幸勿以罵場而見罪

一寺廟之營建匱民財齋素之崇尚惑人心故於祠廟紀之詳於民風說之盡君子其詳譽焉

博平縣志卷之一

邑令應山楊祖憲星若氏重輯

天志

叙曰稽古聖神在御罔不欽天故命羲和氏齊七政以測其常政之首也保章氏志五物以詔其變教乃興焉盖知陰陽之精其本在地而發象於天彼或杳天道爲難知而狹小一邑不足以關元運乃畧於志焉不亦叛聖經違王道而於政教大相戾乎况志將取其懸象者以明章政教而不著其本於天非所以

博平縣志

卷一

星野

一

昭鑒矣迺以象緯莫精於星野故詳其辯沿革莫逃於歲運故系之譜感召莫切於機祥故著爲考是三者皆大有關於政教者也遂舉而冠諸其首以志天文

天文一

星野辯

余檢象緯之志覩星野可異焉分周天之度爲十二次一次所得三十度三十分度之十四耳而三光錯行于其間卽躔度寥濶列宿參差可見乃謂



博平縣志

卷一

星野

三

星野之說周禮保章氏發其凡史記天官書舉其畧
 至班固氏志漢史取三統歷十二次配十二野而後
 之譚者始詳焉今志星野於一邑不考郡國爲何地
 則躔度奚從而辨乎夫博平之爲縣統於東昌者也
 今號東昌爲東郡或以爲齊而屬虛危或以爲衛而
 屬室璧及考東昌爲東郡非齊之舊也齊在春秋戰
 國時西鄙之地曰聊攝則聊攝以東皆齊地而其地
 有博陵邑卽吾博平之舊治也其北乃盼子所守高
 唐境其南則魯連射書之古聊城此蓋齊國之境土

終王建之世未嘗有東郡之稱其東郡乃秦王政五年取魏東地二十城更徙衛野王縣并濮陽爲東郡此時聊攝之地尚爲齊疆如故也至秦政二十有六年五國盡滅秦乃虜建而住之共然後齊地始併於秦遂置三十有六郡自是東郡始治聊城耳方秦未囊括四海時聊攝未嘗屬之衛安得不爲齊地乎於今東郡之所屬固兼齊衛之地也故一統志以東昌分野爲危室及考二辰之躔次則晉史元枵起女八度陬訾起危十六度而費直之周易分野蔡邕之月

博平縣志

卷一

星野

四

令章句又各不同至陳卓以東郡入角越絕又屬之畢紛紛之論何所取衷乎惟唐僧一行識斗杓雲漢綱紀乾坤別陰陽升降於四維辨山河紀絡於兩戒四戰中原八負四海以畫疆域而戒彝夏誠漢魏以來諸天文家所不逮識者以卓越千古稱之夫固聖於象緯者也自歐陽永叔采之唐史以志天文而譚星野者率宗主之山東通志又叅清類分野書而詳其地以須女虛危在子者隸十城而爲齊分以營室東壁在亥者隸八城而屬之衛今置八城姑勿論而

十城者則附郡之邑曰聊城郡之南曰莘縣西曰堂
北曰博平博平之東曰茌平北曰清平又其北曰
高唐曰夏津曰武城曰恩縣凡此十城皆隸於齊者
也而博平在其域中矣維茲十城果當何度耶考之
危宿得周天之度十六度餘二千九百二十六秒一
太唐史元枵終危十二度陬訾初危十三度則危之
第十二度者博平雖不得而專直之寧不偕彼九城
者而共直之耶吾博襍祥固可命於此度占也而近
有蘇伯衡氏者又著爲論以駁其說而不知一行之

博平縣志

卷一

星野

五

說大有所本昔者大禹錫帝金簡玉字之書以底績
於九載也驅黃犢以開江漢鎖巫支以奠河淮跨江
漢以導山者七夾大河而導山者十有九其於星漢
山河之界限固已昭然顯著於南北世儒讀禹貢而
不察惟一行獨能妙悟之也夫以大禹之神而啓其
端一行之智而發其 漢山河星野之論誠造
化潛通 機而天人合一之理也尚有可議者耶
論曰星野之司太史氏職也今志一邑之星野何
乃辯之詳乎蓋以寅亮天地者固宰輔燮理之事

而二公宏化亦師尹政教之所須勗哉吾邑良師
尹與吾鄉學士大夫乎吾將以寅亮燮理者相期
望也

天文二

歲運譜

觀邵子之皇極經世書則陵谷變遷自符氣數而
世變隆汙莫逃焉博邑雖小其分合改遷與世變
隆汙相禪者亦皆囿之於氣數但世代荒遠載籍
湮沒自重耳適齊始有可紀乃歷採沿革系歲運

博平縣志

卷一

歲運

六

而爲之譜以待後之尚論者

丁	周襄八年	晉公子重耳自翟適齊桓公妻之以女築
丑	王	臺博陵以望故國以此博平號晉臺云
辛	敬三十	孔子自衛適晉聞趙簡子殺竇鳴犢臨河
亥	王年	而嘆遂不濟而返靈縣北有鳴犢口
戊	烈三年	趙伐齊至博陵年表作晉伐齊通志作威
申	王	王戊晉俱非是
庚	秦始二十	秦併六國罷侯置守分天下爲三十六郡
辰	皇六年	博陵邑屬東郡

申	丙	未	乙	卯	辛	卯	癸	巳	博平縣志	辛	辰	庚	卯	丁	午	丙	寅	壬
												唐						隋
		宗十四載	元天寶	宗八年	中嗣聖	宗十七年	太貞觀	四年		武德	祖三年	高武德	帝三年	煬大業	六年	開皇	帝二年	文開皇
十五載	天寶	主乃檄清河博平士五十八屯堂邑	平原太守顏真卿討安祿山諸郡惟爲盟	復析置博平縣		省博平入聊城				又以靈泉縣省入博平	平屬博州	復析置靈泉縣先是於元年罷郡爲州博	清河郡	復罷州爲郡又省靈縣入博平改博平屬	復析置靈縣	置毛州於館陶以博平屬毛州	罷郡爲州誤以屯氏河之屯字爲毛字因	
賊復陷諸郡獨平原清河博平固守	顏真卿大敗賊兵於堂邑斬首萬餘級後																	
博平縣志									卷一									
									歲運									
									八									

申 壬	申 戊	戌	戊	卯 己	未	博平縣志	丁 酉	己 丑	丁 酉	申 丁	甲 申
	明 太	帝	順	元 世	宗		金 太	神 熙	仁 景	唐 宗	後 莊
二十五年 洪武	祖 元 年	十八年	至 正	祖 十六年	五 年	天 會	寧 年	祐 年	二 年	同 光	
分徙膠州等處民以填實博平	改東昌路爲東昌府博平屬焉	平亦陷	田豐攻陷東昌路是時天下郡縣皆沒博	以博平縣屬東昌路總管府	路博州	是歲九月盡得宋兩河地博平屬山東西	割明靈寨以隸於清平	徙治東南三十里寬河鎮卽今治	於博平明靈寨	以李嗣源爲節度使鎮成德以防契丹屯	
卷一						歲運					
						九					

辛	武正德	巨寇楊虎趙遂等率三千餘衆以攻圍博
未	宗六年	平知縣堅晟悉智力以固守之賊乃退
戊	懷崇禎	大兵破博平知縣張列宿死之
寅	宗十一年	
癸	崇禎	大兵復破博平
未	十五年	

戊清世順治鄰邑寇起圍城三晝夜知縣夏燦然督民
 □ 祖三年兵悉力拒守賊計窮始退

論曰博平自漢以來沿革分合誠爲均土疆以宣

博平縣志

卷一

歲運

十

化理計而殘毀却因世變歷觀南北朝隋唐五代
 金元之亂茲地平衍實當兵衝生民屠戮之慘固
 阨運之不可脫者也迨明蒞祚二百餘年黔黎安
 堵土不輟絃農無釋耒猗歟盛哉卽正德辛未之
 寇警鄰邑比比殘破而博猶屹爾獨完沿及季世
 內訌外擾民生日蹙謂非否泰相循之數 □ □
 清定鼎車書一 □ 羣黎徧德坐享治安不見金戈鐵馬
 之警誠世運之一治 □

天道三

機祥考

易曰天垂象見吉凶而知變不虛生祥由德致然
或祥未必應而災反多驗者何也人之不善於承
天也天以怒人者愛人人即當以畏天者承天桑
不爲妖穀亦非崇已然之效可槩見也當事幸留
心焉

明永樂間池隍平濶周圍邑人咸懇之以種麥及穎秀
時彌望俱兩岐之祥若是者殆累歲

博平縣志

卷一

機祥

十一

景泰七年秋雨淋漓涇河來自濮陽大水泛漲漂沒
禾稼屋廬甚苦墊溺

成化五年大旱 六年春大饑 七年秋有龍入西
郊村民曹林家施威振躍拋擲確磴於田野又見
神人自室罅入厲聲呼曹林林懼自覆於甕中獲

免 九年旱 十年春大饑 十六年漕河大決
宏治五年旱 六年饑瘟疫大作人死者十之三秋
河大決陸地行舟 十四年秋河又決九月十七

日地震

正德二年秋蝗蝻害稼十二月大雪平地數尺擁門
塞巷穴之以出入畜多凍死者 四年夏黑青見
邑人震怖夜燃燈燭引刀劔以自衛亦有與之格
鬪者二旬餘始定 六年秋巨寇楊虎攻城弗克
十四年冬大雪末年地震數日古老云正德年
間雖經寇亂却年豐穀賤

嘉靖二年三月大風霾雨紅沙日暗 夏秋旱饑民
多餓殍 三年三月大風霾雨紅沙晝晦 夏秋
大熟 七年飛蝗害稼 十一月朔養濟院災

博平縣志

卷一

機祥

十二

十年六月初十日大風拔木撤屋大雨雹 十八
年二月二十二日天鼓鳴 二十年秋大蝗令民
捕蝗易粟民有病瘡傷寒既愈者驟爲南音數年
不變 二十一年春饑冬大霧旬餘木稼 二十
六年春隕霜殺麥 二十七年冬大雪祈寒井泉
亦有凍者 三十年秋河決 三十一年秋又決
平地水深數尺禾稼蕩然民居漂溺舟楫遍野者
弭月 三十二年三年俱饑秋河俱決 三十四
年冬地震 三十五年夏龍入西郊田氏家撤毀

屋廬擲弄器物斃其老婦一人 三十七年風雨
拔木 三十九年春大旱秋大蝗令民以蝗易粟
出官粟幾千石 四十年春饑夏井泉與洿池水
忽然俱溢

隆慶二年十二月初三日大雨詰旦木冰損林木殺
宿鳥 三年秋白頭雀羣飛於田野蝗不爲災
萬曆三年夏雨雹暴風拔木 四年十二月十四日
城隍廟災 九年大風雨毀傷林木 冬無永
十年大頭瘟疫盛行 十一年八月雨雹大如盃

博平縣志

卷一

機祥

十三

蓋 十四年春夏大旱盜起民逃 八月十七日
隕霜殺蕎與菽歲大饑荒民掘草根剝木皮取蕎
梗槐角子杵以爲食 十五年春大饑多殍 十
八年三月三日大風霾雨紅沙日暗 三十四年
大水 四十三年大饑
崇禎十三年土寇四起境內蕭然 十四年春大饑
人相食 夏瘟疫盛行有全家盡絕者死傷十分
之四 十六年城破

清順治三年土寇攻城不克 七年十月黃河水決

八年十年再決霖雨不止陸地行舟 十一年八月初五日地震 十一年飛蝗遍野蜂螯蝗死 康熙三年四月隕霜殺麥 十年秋禾被災 十一年秋禾又災 二十三年秋禾被旱傷損 四十二年秋大水禾被淹 四十七年秋禾被旱 雍正八年秋禾被水淹澇

乾隆二年秋禾被水傷損 四年秋禾被水淹損 二十六年災旱 二十七年復災 三十一年運河決口漂沒水次倉平地水深數尺 四十三年

博平縣志

卷一

機祥

十四

全境被旱 五十一年春大旱各處瘟疫人死無數 五十五年夏五月霖雨至七月十五日止 嘉慶六年運河決口浸淹禾稼 七年飛蝗入境西北鄉蝻子生發 九年秋河水北流擁絕官道斷阻往來行人 十年春三月隕霜殺麥 十二年春黃風一晝夜方止 十六年春大旱秋禾被虫殘食 十七年全境被旱 十八年二麥被旱詳請賑濟三四兩月粥賑六七兩月口糧八月間大雨至九月初方止 十九年除夕大雪至二十年

初一日巳時方止是年麥秋豐收秋瘧疾大作
二十二年春運河水勢驟漲朱家灣官堤蜚陷三
尺餘秋禾全境被旱 二十四年冬十二月大雪
三晝夜方止平地積深四尺餘

道光元年四月初一日日月合璧五星連珠夏六月
霍亂病作人死無數 二年夏五月日套三環靈
雨不止秋運河決口平地水深四五尺六七尺不
等陸地行舟 三年夏六月西南鄉蝻子生發東
北鄉飛蝗停落 四年春三月蝗蝻復生北鄉東

博平縣志

卷一

機祥

十五

鄉間有萌動 五年春二月黑風一晝夜方止秋
禾全境被旱 六年春三月黑風黃風一夕二麥
被剖一粒未獲 九年冬十月二十二日地震
十年夏又四月二十二日地震冬十一月天鼓鳴
論曰古今言灾祥者率祖洪範與春秋傳如董仲
舒劉向京房詳哉其言之矣乃鄭樵通志則又謂
休咎皆不可以灾祥論而獨歸於和氣致祥乖氣
致異其說甚正余竊謂奇奇怪怪何所不有一草
一木之變一風一霜之異固不可執爲禍福然亦

有應若影響者大率德昌則灾反爲祥德稷則祥
反爲灾古來蝗不入境猛虎渡河蓋德能勝之耳
誠使吏廉民淳徭輕刑簡又奚水旱盜賊之足患
哉

祀典

凡祭前一日省牲穿補服行一跪三叩頭禮

文廟儀注

每年春秋二仲月上丁日先祭

崇聖祠次祭

先師廟 正祭日子時中刻起鼓執事人員齊集 主

祭官朝服至引唱 僉名畢復起鼓入

廟分獻陪祀各官入兩旁門序立贊禮生 引 主祭

官至盥洗所盥手畢引至臺階下立通唱 樂舞生

博平縣志

卷一

祀典

十七

就位執事者各司其事分獻官陪祀官各就位

主祭官就位引生 引 主祭官就拜位立分獻官

隨後立通唱 迎

神樂奏咸平之章 主祭官陪祭各官分獻官俱行

三跪九叩頭禮興樂止通唱 奠帛行初獻禮樂奏

寧平之章樂舞生 隨舞引 主祭官由東階上進

殿左門詣

至聖先師孔子位前 主祭官至案前立引贊 跪叩首

奠帛捧帛生 捧帛跪進 主祭官受帛拱舉授接

帛生 獻引贊 獻爵 捧爵生 捧爵跪進 主祭官受

爵拱舉授接爵生 獻畢引贊 叩首興引贊 詣讀祝

位 主祭官詣讀祝位立讀祝生 至祝案前捧祝

版立於案左樂止引贊 跪 主祭官分獻官陪祀

各官讀祝生 俱跪引贊 讀祝文讀祝生 讀祝畢捧

祝版仍供

案上引贊 叩首叩首叩首各官俱行三叩首禮興引

贊 詣

復聖顏子位前 主祭官就案前立引贊 跪叩首奠

博平縣志 卷一 祀典 十八

帛 捧帛生 捧帛跪進 主祭官受帛拱舉授接帛

生 獻引贊 獻爵執爵生 捧爵跪進 主祭官受爵

拱舉授接爵生 獻畢引贊 叩首興引贊 詣

宗聖曾子位前奠帛獻爵如前儀引贊 詣

述聖子思子位前奠帛獻爵如前儀引贊 詣

亞聖孟子位前奠帛獻爵如前儀復位通唱 行分獻

禮引 分獻官詣東哲行禮引 分獻官詣西哲

行禮引 分獻官詣東廡行禮引 分獻官詣西

廡行禮俱照 主祭官行禮畢通唱 行亞獻禮樂

奏安平之章 樂舞生 隨舞 引贊 獻爵與初獻禮同

不讀祝 復位 通唱 行終獻禮樂奏景平之章 樂舞

生 隨舞獻爵與亞獻禮同復位樂止 通唱 飲福受

胙 引贊 詣受福胙位 主祭官至殿前立捧酒胙

生二人捧酒胙至

正位案前拱舉至飲福胙位右旁跪接福胙生二人

在左旁跪 引贊 跪 主祭官跪 引贊 飲福酒 主

祭官受爵拱舉授 接爵生引贊 受胙 主祭官受

胙拱舉授 接胙生引贊 叩首 主祭官三叩首興

博平縣志

卷一

祀典

十九

引贊 復位 主祭官復位立次行謝福胙禮 引贊

跪 主祭官分獻官及陪祀各官俱行三跪九叩

頭禮興 通唱 徹饌樂奏咸平之章 樂舞生 輟舞 通

唱 送

神樂奏咸平之章 引贊 跪 主祭官分獻官及陪祀

各官皆行三跪九叩頭禮興樂止 通唱 讀祝者捧

祝執帛者捧帛各詣燎位 捧祝生 捧祝 捧帛生 捧

帛祝文在前帛次之俱送至燎位 主祭官各官

旁立候祝帛過仍復位立 通唱 望燎 引生 引 主

祭官至望燎位立祝帛焚半引贊禮畢退班

文廟樂章

迎神 奏咸平之曲有樂無舞

大哉孔子 先覺先知 與天地參 萬世之師

祥徵麟紱 韻答金絲 日月既揭 乾坤清夷

初獻 奏寧平之典有樂有舞

予懷明德 玉振金聲 生民未有 展也大成

俎豆千古 春秋上丁 清酒既載 其香始升

亞獻 奏安平之曲有樂有舞

博平縣志

卷一

祀典

二十

式禮莫愆 升堂再獻 響協鼓鏞 誠孚壘甌

肅肅雍雍 譽髦斯彥 禮陶樂淑 相觀而善

終獻 奏景平之曲有樂有舞

自古在昔 先民有作 皮弁祭菜 於論思樂

惟天牖民 惟聖時若 彝倫攸叙 至今木鐸

徹饌 奏咸平之曲樂作舞止

先師有言 祭則受福 四海鬯宮 疇敢不肅

禮成樂徹 毋疏毋瀆 樂所自生 中原有菽

送神 奏咸平之曲樂作舞止

鳧繹峩峩 洙泗洋洋 景行行止 流澤無疆

聿昭祀事 祀事孔明 化我蒸民 育我膠庠

風雲雷雨社稷山川等壇

關帝廟

以上俱穿朝服行三跪九叩頭禮餘儀同

耕藉儀注

器具

農具赤色牛黑色耔種箱青色所盛耔種照本省
土宜擇勤謹農夫二名免其差役給以口糧令看

博平縣志

卷一

祀典

二十一

守

壇宇灌溉藉田敬謹收貯所收米粟以供各該處祭

祀之粢盛

祭日各官俱穿朝服到壇通贊生導詣盥洗所盥

手淨巾畢通贊唱執事者各司其事主祭官就位

就拜位陪祭官各就位照官銜品級就拜位座毛血迎神通贊

生導主祭官陞壇就位就神位上香又上三塊

香通贊唱跪陪祭官皆跪行三叩禮興復位復拜位

安神行三跪九叩禮興進帛進爵行初獻禮通贊

唱 詣酒尊所主祭官詣酒尊所通贊唱 司尊者舉
羣酌酒詣

先農神位前就位跪通贊唱 陪祭官皆跪獻帛獻爵叩

首興詣讀祝位跪讀祝文讀 三叩首興復位行亞

獻禮通贊唱 詣酒尊所主祭官詣酒尊所通贊唱

司尊者舉羣酌酒詣

先農神位前就位跪通贊唱 陪祭官皆跪獻爵叩首興

復位行終獻禮儀同 徹饌送神行三跪九叩禮興

讀祝者捧祝司帛者捧帛通贊生導詣燎所焚祝

博平縣志

卷一

祀典

二十二

帛復位一揖禮畢各官俱換蟒袍不用補服午時
行耕藉禮正印官秉耒佐貳執青箱播種行耕時
耆老一人牽牛農夫二人扶犁九推九返農夫終
畝耕畢各官仍換朝服率屬暨耆 農 望

闕謝

恩行三跪九叩禮

救護儀注

凡日月薄蝕欽天監推算分秒及圓復時刻頒行
到省轉行各府州縣行救護禮護日前期結綵於

次堂及儀門設香案於露臺上設金鼓於儀門內
兩旁設樂人於露臺下設各官拜位於露臺上下
俱向日傳集僧道至期陰陽官報日初食各官具
朝服通贊唱排班班齊唱跪叩樂作各官行三跪
叩禮畢樂止班首官上香畢通贊唱跪各官俱
跪班首官擊鼓三聲衆鼓齊鳴再上香樂作各官
俱暫起立陰陽官報食甚食及所推分秒各官仍排班樂
作行三跪九叩禮如前儀陰陽官報復圓鼓聲止
通贊唱跪叩樂作各官又行三跪九叩禮樂止禮

博平縣志

卷一

祀典

二十三

畢

月食救護禮同

厲壇儀注

會典開載每歲清明日七月十五日十月朔日祭
無祀鬼神於本城之北郊府州稱郡厲縣稱邑厲
先一日委官打掃壇宇至期承祭官穿補服先詣
壇祭品帛爵猪羊酒果安於棚內正中棚外兩旁設孤魂
牌位牌寫孤魂之位東西相向各列香茶紙燭饅
首酒肉米飯委員迎請

城隍神像赴壇

神像至壇與祭各官於棚外旁立候過安

神像於正中主祭官公座僉名畢引生引主祭官詣盥

洗所盥手至行禮處立陪祭各官以次立通唱上

香引生引主祭官於

城隍神位前立先上炷香拱舉安於爐內後上瓣香行

一跪三叩頭禮畢通唱奠帛行三獻禮引生引主

祭官於神位前跪獻帛通唱讀祝文讀畢初獻爵

亞獻爵三獻爵連行三獻畢叩頭興復位再行一

跪三叩頭禮通唱捧祝帛各詣燎位焚化孤魂牌

博平縣志

卷一

祀典

二十四

位祝帛紙錢禮畢恭送

城隍神像於廟內與祭官於棚外旁立候過各官退邑

厲知縣主祭佐二吏目典史等官陪祭凡地方官

春秋致祭

城隍廟皆行一跪三叩頭禮上香獻爵如前儀

孔子先代五王祝文

維道光 年 月 日

某官某致祭於

肇聖王

裕聖王

詒聖王

昌聖王

啓聖王曰惟

王奕葉鍾祥光開聖緒聖德之後積久彌昌凡聲教所

覃敷率循源而溯本宜肅明禋之典用伸守土之

忱茲屆仲春秋聿修祀事配以

先賢顏氏

先賢曾氏

博平縣志

卷一

祀典

二十五

先賢孔氏

先賢孟孫氏尙

饗

文廟祝文

維道光 年 月 日

某官某致祭於

至聖先師孔子曰惟

先師德隆千聖道冠百王揭日月以常行自生民所未

有屬

文教昌明之會正禮和樂節之時辟雍鐘鼓咸恪薦於

馨香泮水膠庠益致嚴於籩豆茲當仲春秋祇率彝

章肅展微忱聿將祀典以

復聖顏子

宗聖曾子

述聖子思子

亞聖孟子配尚

饗

社稷壇祝文

博平縣志

卷一

祀典

二十六

維道光

年

月

日

某官某致祭於

社

稷之神曰惟

神奠安九土粒食萬邦分五色以表封圻育三農而蕃

稼穡恭承守土肅展明禋時屆仲春秋敬修祀典庶

丸丸松栢鞏磐石於無疆翼翼黍苗佐神倉於不

匱尚

饗

風雲雷雨山川城隍壇祝文

維道光 年 月 日

某官某致祭於

風雲雷雨

山川

城隍之神曰惟

神贊襄天澤福佑蒼黎佐靈化以流形生成永賴乘氣
機而鼓盪和肅攸宜磅礴高深長保安貞之吉憑
依鞏固實資捍禦之功幸民俗之殷盈仰 神明

博平縣志

卷一

祀典

二十七

之庇護恭脩歲祀正值良辰敬潔豆籩祇陳牲幣
尚

饗

先農壇祝文

維道光 年 月 日

某官某致祭於

先農之神曰惟

神肇興稼穡粒我蒸民頌思文之德克配彼天念率育
之功常陳時夏茲當東作咸服先疇洪惟

九五之尊歲舉

三推之典恭膺守土敢忘勞民謹奉彝章 脩祀事惟
願五風十雨嘉祥恒沐於神庥庶幾九 雙岐上
瑞頻書於大有尙

饗

關帝先代三公祠祝文

維道光 年 月 日

某官某致祭於

關帝之

博平縣志

卷一

祀典

二十八

曾祖光昭公

祖裕昌公

父成忠公曰惟

公世澤貽庥靈源積慶德能昌後篤生神武之英善則
歸親宜享尊崇之報列上公之封爵

錫命優隆合三世以肇裡典章明備恭逢諏吉祇事薦

馨尙

饗

關帝廟祝文

維道光 年 月 日

某官某致祭於

忠義神武關聖大帝曰維

帝浩氣凌霄丹心貫日扶正統而彰信義威震九州完

大節以篤忠貞名高三國

神明如在徧祠宇於寰區靈應丕昭薦馨香於歷代屢

徵異蹟顯佑羣生恭值佳辰遵行祀典筵陳籩豆

几奠牲醪尙

饗

博平縣志

卷一

祀典

二十九

文昌帝君三代祝文

維道光 年 月 日

某官某致祭於

文昌帝君三代之神曰祭引先河之儀禮崇反本之思

矧夫世德彌光延賞斯及祥鍾累代炯列宿之精

靈化被千秋偉人文之主宰是尊後殿用答前庥

茲值仲春秋肅將時事用申告潔尙其格歆尙

饗

文昌帝君祝文

維道光 年 月 日

某官某致祭於

文昌帝君之神曰惟

神蹟著西垣樞環北極六匡麗曜協昌運之光華累代

垂靈爲人文之主宰扶正久彰夫感召荐馨宜致

其尊崇茲屆仲春秋 恩昭時祀尙其歆格鑒此精虔

尙

饗

忠義孝悌祠祝文

博平縣志

卷一

祀典

三十

維道光 年 月 日

某官某致祭於

忠義孝悌之靈曰惟

靈稟賦貞純躬行篤實忠誠奮發貫金石而不渝義

問宣昭表鄉閭而共式祇事懋彝倫之大性摯莪

蒿克恭念天顯之親情殷棣萼模楷咸推夫懿德

綸恩特闡其幽光祠宇維隆歲時式祀用陳尊簋來格

几筵尙

饗

節孝祠祝文

維道光 年 月 日

某官某致祭於

節孝之靈曰惟

靈純心皎潔令德柔嘉矢志完貞全閨中之亮節竭
誠致敬彰閭內之芳型茹冰蘖而彌堅清操自勵
奉盤匱而匪懈篤孝傳徽

絲綸特沛乎殊恩祠宇昭垂於令典祇循歲祀式薦尊

醪尚

博平縣志

卷一

祀典

三十一

饗

厲壇祝文

維道光 年 月 日

某官某致告於

城隍之神曰普天之下后土之上無不有人無不有
鬼神人鬼之道幽明雖殊其理則一故制有治人
之法卽制有事神之道念厥冥冥之中無祀鬼神
昔爲生民未知何故而歿其間有遭兵刃而損傷
者有死於水火盜賊者有被人取財而逼死者有

被人強奪妻妾而死者有遭刑禍而負屈死者有
天災流行而疫死者有爲猛獸毒蟲所害者有爲
饑餓凍死者有因戰鬪而殞身者有因危急而自
縊者有因牆屋傾頽而壓死者有死後無子孫者
此等孤魂死無所依最堪憐憫或依草附木或作
妖爲怪徘徊於星月之下悲號於風雨之中今迎
尊神以主此祭謹設壇於城北茲當 月上元佳節
謹備牲醴羹飯專祭本縣闔境無祀鬼神等衆靈
其不昧來享此祭凡或一縣人民倘有不孝不睦

博平縣志

卷一

祀典

三十二

侮法欺善種種奸邪不良之徒神必報於 城隍
發露其事使遭官府輕則笞決杖斷重則徒流絞
斬若事未發露必遭陰譴使舉家並遭災害如有
克孝克睦守法爲善正直之人神必達於 城隍
陰加護佑使其家道安和農事順遂父母妻子保
守鄉里我等官府如有上欺

朝廷下枉良善貪財作弊蠹政害民者靈必無枉一體
昭報如此則鬼神有鑒察之明官府非諂諛之祭
尙

饗

秩祀一邑之大典也祝文儀注又祀典之大節也博
邑舊志弗載以至

文廟文昌山川社稷諸神祭祀祝文與

頒行互異今特考據詳明備錄於首以示來茲所以重
祀典也

博平縣志

卷一

祀典

三十三

地理志


叙曰歷覽輿圖博固東省一僻縣云其命吏握符以
 敷政教而主神人亦載入職方者也今觀靈砦攸分
 封疆奠矣鳴犢橫巨川流表矣禹堤晉臺古蹟邈矣
 究土齊域貞賦作矣廟貌顯赫神功著矣遠郊附郭
 坦夷之勢如掌矣村居曠落歷歷在目矣故閱圖
 書考閭里計分土以表域民度乎司政教之衡者有
 足徵哉迺志地理


博平縣志

卷一

地輿

三十四





博平縣志

卷一

地輿

三十五

大堤之東鳴犢古河之陽有邑曰博陵博平之舊治也邑傍大堤東隈因堤取義號博陵焉爾雅云廣潤曰博大阜曰陵茲固博陵之名義乎是邑也在昔禹蹟爲攝國地春秋時地入齊境其內曾築重耳臺晏子云聊攝以東姑尤以西則是邑之在攝疆者固於齊爲西鄙也及齊被秦囊括而邑名尚仍齊之舊地入漢版圖又因境無名山大川之阪阻而更置縣曰博平後自東京之初迄於隋唐之世三併靈縣於博平而三復析置焉唐初更置

靈泉縣旋又復省入於博此後不復置靈泉矣既而又併博平於聊城更數十年乃復置博平焉前此稱博平者皆舊治也至宋景祐間徙治東南三十里寬河鎮是爲今治其環今治爲鄉者四爲里者十有八其鄉以崇文名者十有一圖起於東北訖於東南以思賢名者三圖起於正北訖於西北以利津名者四圖起於正西訖於西南較四境方隅之遠邇則東界在平十二里西界堂邑四十里南界聊城僅十里北界高唐四十里東南十里許

博平縣志

卷一

地輿

三十六

界在平西北五十餘里界清平東北四十里界高唐西南二十五里界堂邑及其引領北望京夏九百六十里焉其他邱阜川流古蹟城堡布列於邦域中者一覽輿圖而可俱見約其長短其方蓋五六十云夫博旣兼有靈泉地似亦可稱大縣矣何今猶若是其小耶考之宋史清平圯於河水乃割明靈砦以徙清平金史高唐四鎮其南鎮曰靈城則環明靈與南鎮者失地又不知幾里焉夫以二縣之版籍而不憚分合屢變者蓋因土宇之俱狹

也昔兼靈縣之全境猶未足稱爲大縣顧乃東委
高唐以靈城之墟西界清平以明靈之砦則於昔
之兼有者蓋已失其大半矣又烏足以大稱耶
論曰自古地之形勝必稱盤據河山博地無山可
依水惟鳴犢漯川差大而今皆涸溢不常矣以設
險則無憑以捍圍則無據獨其川原平行草木蕃
蕪足占屯聚之良可資牧養之利然且西跨漕渠
東逼陸遞南北兵衝舍此其何之

